

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Leonis septemtrionalis notitia**

**Rauscher, Johann Martin**

**[S.l.], 1632**

Serenissimo & Potentissimo Gustavo Adolpho: Suecorum, Gothoru,  
Vandalorum Regi [...]

**urn:nbn:de:bsz:31-102765**

Serenissimo & Potentissimo  
Principi,

**GUSTAVO**  
**ADOLPHO:**

Suecorum, Gothorum,  
Vandalorum Regi,

*Magno Finnonia Principi:  
Esthonia Careliaque Duci:  
Ingria Livonia, &c. Domino  
Libertatis Germania Vindici*

**FELICI, PIO, VICTORI**  
Immortalitatem.

**P**OST partas inusitata virtute tot lau-  
reas triumphales, & impletum nominis  
Tui gloria hunc terrarum orbem, **REX**  
**VICTORIOSE**, videtur nihil deesse  
magnitudini Tuae amplius, quam ut ad hanc felicitatem  
eternitas admigret. Partim, ut propria sint, Ger-  
mania, qua beneficio Tuo accepit: partim, ut poste-  
ritatis memoria ex vero testetur, neminem Princi-  
pum dignius Te, publico fama calculo, sustinere titu-  
lum

lum Augusti, Pii, Felicis, Triumphatoris. Nisi  
quod seculi etiam interest, talem Te orbi notum esse,  
qualis es, ut, qui cum discrimine salutis, vita, regni,  
sola afflictæ religionis miseratione, libertatem, res &  
fortunas à servitute vindicasti, omnes magnitudi-  
nem beneficii intelligant, & meritum Autoris pronò  
affectu, submissaq; veneratione admittant. Neque  
enim fas est Septentrionis illum Leonem ulterius  
ignorari, quem propitium Numen arcano fati de-  
creto ante tot seculorum decursus, in præsidium peri-  
clitantis Germania destinavit. Quæ jam diu inter-  
cades, inter Urbium & patrimoniorum direptio-  
nes spiritum suum traxerat. Quæ sordibus & squa-  
lore confecta, inter rapaces Harpyiarum ungues, &  
Sycophantarum insidias, nec libertatem diutius tue-  
ri poterat, nec servitutem ferre. In qua vivis nec  
majorum pietas, nec defunctis terra sua concedeba-  
tur: ut jam nec mori integrum esset, nec tutum vi-  
vere, cum immissus libertatis jugulo culter, non ibi  
tyrannidis finem faceret, ubi vita terminos natura  
limitavit. In qua non corpori tantum, sed & anima  
vincula injecta erant, quæ diversum à Fove Vaticana-  
no sentientibus præsentem interitum minabantur. In  
qua denique, (seculi infamiam!) viles terra filij &  
Gyantium fraterculi, quorum nomen heri modo è  
plebis

plebis tabula expunctum erat, illustrissimis Imperij  
Summatibus fustes & lora intentabant. Et tam de-  
plorato statu cum manumissis libertatem, pulsus &  
ejectis ereptam patriam, spoliatis patrimonio fortu-  
nas, aris templisque profanatis orthodoxum cultum  
restitueris; quid mirum, AUGUSTE, si omnium  
Germanorum voluntates Tibi liberius adfluunt,  
quos ista amoris testificatione Tuos nexu & manci-  
pio fecisti universos? Quid mirum Regie Suecorum  
Majestati omnium linguas, omnium calamos vecti-  
gales esse, cujus inexpectata felicitas Orbem fortuna-  
tum facit? Et vel hoc uno nomine, si cetera abessent,  
quod in GUSTAVI tempora incidit. Quod pro-  
fecto nomen titulos non capit, quia omnes excedit, &  
patriam vestram linguam Dei baculum designat, quo  
libertatis oppressores castigantur. Sarmata Tui,  
cum Suecorum Te Regem appellare dedignarentur,  
Gustavum per contemptum vocabant. Euge belle!  
sed prater mentem animi. Nesciverunt illi, hoc ho-  
noricum nomen esse, quod in ipsorum tormentum  
occulta cœli dispositio Tibi assignaverat.

Ceterum cum in Germania prater alias Provin-  
cias, benignitatis Tue fontem largiter etiam Suevia  
hauserit, patere quaso, REGUM EMINEN-  
TISSIME, ut ad MAIESTATIS TUÆ

):( 3 genua

genua pro volutus, ejus purpura laciniam prebendam,  
cujus aspectum hostes non ferunt. Patere, ut Suevus  
ego, Suevorum veterum Regem venerer, qui hanc  
unam habeo fortuna injuriam, quod in ipsa Suevia  
augustum Suevorum sanguinem citius videre non  
contigerit: quibus vel invitis beneficia Tua obtrusi-  
sti. De eorum autem vindicanda libertate iam tum  
cogitabas, cum adhuc in Prussia Polonorum Aquilas  
fatigares. Nondum nobis excidit memoria Satleri  
Tui, cuius perspicacibus oculis in salutem nostram  
vigilabas: qui dum res Tuas alibi pro commodo Ger-  
mania dispensat, adversariorum manibus feliciter  
elapsus est. Videbas, quæ Tua sagacitas est, AUGU-  
STE, Suevis consanguineis Tuis jam lupata, iam  
catastas, jam denique miseram parari servitutem.  
Igitur ne infeliciter periret ille populus, cuius Tu co-  
gnomini Mari dominaris, qui que olim in quatuor &  
quingenta gentes distinctus, solus hodie hoc nomen  
servat, auxilium nobis maturasti: & sinu Codano  
egressus, Septentrionem Tuam, illam veram Martis  
sobolem, illos Aquilonis scopulos ac rupes hosti in-  
expectatus obiecisti. Et quisquam nobis temeritatis  
labem impingat, si eius Regis virtutes Suevi admire-  
mur, cui uni debemus, quod vita & fortunis nondum  
exuti, nondum in angustum redacti, nondum Cle-

rico-

ricorum servi sumus? Si ad illius Imperatoris laudes stylum convertimus, qui cum milite suo universum orbem ad spectaculum provocat, ut agnoscat, Suecos antiquum suum obtinere, & quod Pyrrhus de Aecidarum gente elogium scuto inscripsit. etiamnum VIROS ESSE.

Admitte igitur, MAGNE REX, benigno vultu exile hoc donarium, & ad tot decora ac tropaea, hanc Leonis Septentrionalis, hoc est, Tui Tuorumque notitiam adiunge. Non ut dignum sublimitate Tua munus, sed certum submississimi obsequij monumentum. Si enim quasi vissem aliquid fastigio hoc dignum, non habebam: si conveniens, maxime istud erat, quod sub auspicijs Tuis, Rex literis & armis inclite, in publicum prodiret. Sic recognosces popularium Tuorum documenta domestica, & per maiorum imagines cum voluptate inambulabis. Quanquam vix fortassis opera precium videatur maiores Tuos in scenam producere, cum frustra alibi Tui exemplum extra Te queratur, in cuius divinam mentem omnis a vita virtutis supellex cum ipso sanguine migravit. Accipe, inquam, levidense hoc munusculum victrici illa dextera, qua tot gratulantium osculis cottidie lassatur, & ad affectum offerentis oculos illos, in quibus Gratia habitant, converte. Ea est magnorum  
rum

rum Regum indoles, ut donantis tenuitatem humanitatis sua opulentia locupletent. Nec MAIESTAS TUA gravabitur ad tot gloriae suae monumenta, quae tam augusto nomini consecrantur, hanc opellam nostram adiungere. Possunt alij magnificentius, facundius; nos certe nihil possumus amantius.

Sic vale & longum vive caeli delicia, orbis amor: quo superstite nemo infelicitatem metuit. Vive Optime Regum, & feliciter impera. Vive hostium dominator, & tot immortalibus palmis novas subinde laureas adtexe. Ita roveo, vel antiquissimo nobilitatis militia sacramento

NUMINI MAIESTA-  
TIQUE TUAE

*devotissimus*

Iohannes Martinus Aretius  
Suevus.

Di-